

Na osnovu odredaba Pravilnika o stručnom ispitu za voditelja poslovnice putničke agencije („Službene novine Federacije BiH“; broj: 46/20), Federalno ministarstvo okoliša i turizma, *raspisuje*

**JAVNI POZIV
ZA PRIJAVU KANDIDATA ZA POLAGANJE STRUČNOG ISPITA ZA VODITELJA
POSLOVNICE PUTNIČKE AGENCIJE ZA 2024. GODINU**

I

U skladu sa potrebama i zainteresiranosti kandidata i putničkih agencija, Federalno ministarstvo okoliša i turizma raspisuje Javni poziv za prijavu kandidata za polaganje stručnog ispita za voditelja poslovnice putničke agencije za područje Federacije Bosne i Hercegovine za 2024. godinu.

II

Uz **obrazac prijave** za polaganje stručnog ispita za voditelja poslovnice putničke agencije koji se može preuzeti na web stranici Federalnog ministarstva okoliša i turizma, www.fmoit.gov.ba kandidat je dužan priložiti sljedeću dokumentaciju:

1. dokaz da ima najmanje završenu srednju stručnu spremu,
2. potvrdu obrazovne ustanove o aktivnom znanju jednog svjetskog jezika,
3. izvod iz matične knjige rođenih,
4. dokaz o uplati propisane naknade troškova za polaganje stručnog ispita.

U postupku provođenja stručnog ispita za voditelja poslovnice putničke agencije kao dokaz po tačkom 2. potvrda obrazovne institucije o aktivnom znanju jednog svjetskog jezika, mogu se koristiti sljedeći dokazi:

- a) uvjerenje škole ili druge institucije koja se bavi obučavanjem stranih jezika bez obzira na to da li se nalaze u Bosni i Hercegovini ili izvan nje,
- b) uvjerenje fakulteta (o provjeri znanja jezika, položenom ispitu stranog jezika tokom školovanja), kao i druga isprava fakulteta (ovjerena kopija upisnice/indeksa) koja potvrđuje poznavanje ili znanje jezika, odnosno položene ispite stranih jezika,
- c) diploma ili druga isprava koja potvrđuje stečeno zvanje ili zanimanje koje je neposredno u vezi sa znanjem stranog jezika (npr. profesora jezika, jezičkog prevodioca, asistenta prevodioca i sl.),
- d) diploma završenog fakulteta ili stečenog naučnog zvanja u Bosni i Hercegovini ili u inozemstvu na osnovi koje se nedvosmisleno može utvrditi da je isto školovanje u cjelini ili u pretežnom dijelu završeno na stranom jeziku.

Sva dokumenta izdana u inostranstvu moraju biti prevedena na jedan o službenih jezika Federacije Bosne i Hercegovine od strane ovlaštenog sudskog tumača.

Svi dokumenti koji se prilažu uz obrazac prijave kao dokaz o ispunjavanju uslova iz Javnog poziva trebaju biti originali ili kopije ovjerene od strane nadležnog organa, ne starije od šest mjeseci.

III

Troškovi za polaganje stručnog ispita za voditelja poslovnice putničke agencije u iznosu od

550,00 KM, uplaćuju se u skladu sa Instrukcijom koja je sastavni dio Pravilnika o stručnom ispitu za voditelja poslovnice putničke agencije („Službene novine Federacije BiH“; broj: 46/20) i Javnog poziva.

IV

Način podnošenja prijave

Popunjen obrazac prijave za stručni ispit sa pratećom dokumentacijom dostaviti na adresu: „Federalno ministarstvo okoliša i turizma- Ispitna komisija, ul. Hamdije Čemerlića 2/III, 71 000 Sarajevo“ sa naznakom: „Po Javnom pozivu - „Prijava za polaganje stručnog ispita za voditelja poslovnice putničke agencije za 2024. godinu - ne otvaraj“

Na poleđini koverta obavezno navesti: ime i prezime podnosioca prijave, adresu i kontakt telefon ili predati prijavu neposredno putem protokola Ministarstva.

V

Rok za podnošenje prijave

Prijave za stručni ispit na osnovu Javnog poziva za prvi ovogodišnji rok se primaju od **15.2.2024. godine** zaključno sa danom **17.3.2024. godine**, a **termin ispita je 3.4.2024. godine (srijeda) u 16 sati**, u prostorijama Ministarstva.

Sva neophodna obavještenja o provođenju ispita u ostalim ispitnim rokovima (ispitni termini, rezultati ispita i slično) u toku 2024. godine bit će objavljeni na web stranici Ministarstva, www.fmoit.gov.ba.

Kandidati po prijavi za stručni ispit mogu preuzeti Priručnik za edukaciju i polaganje stručnog ispita za voditelja poslovnice putničke agencije lično u Ministarstvu u uredu broj 302 i 311 ili će biti dostavljen putem pošte na adresu kandidata.

Takođe, Priručnik (opći i posebni dio u PDF formatu) bit će dostupan na web stranici Ministarstva www.fmoit.gov.ba, i isti se može preuzeti sa web stranice.

Dodatne informacije u vezi sa polaganjem stručnog ispita mogu se dobiti svakim radnim danom od 12 do 14 sati putem telefona: 033/726-728,730,746.

Javni poziv sa Instrukcijom će se objaviti na web stranici Federalnog ministarstva okoliša i turizma.

Broj: 06/1-18-1-156/24
Sarajevo, 14.2.2024. godine

